

COFNODION CYFARFOD Y PWYLLGOR PENODIADAU A GYNHALIWIYD YN COMMITTEE ROOMS 2/3, CIVIC OFFICES ANGEL STREET BRIDGEND CF31 4WB DYDD GWENER, 11 HYDREF 2019, AM 15:00

Presennol

Y Cyngorydd HJ David – Cadeirydd

N Clarke
JC Spanswick

T Thomas
RL Penhale-Thomas

D Patel

RE Young

Swyddogion:

Andrew Rees	Rheolwr Gwasanaethau Democrataidd
Kelly Watson	Prif Swyddog – Gwasanaethau Cyfreithiol, Adnoddau Dynol a Rheoleiddio
Debra Beeke	Rheolwr Grŵp – Adnoddau Dynol a Datblygu Trefniadaethol
Mark Shephard	Prif Weithredwr

32. DATGANIADAU O FUDDIANT

Dim

33. CADARNHAU COFNODION

PENDERFYNIAD: Bod cofnodion cyfarfod y Pwyllgor Penodi ar 18 Ebrill 2019 yn cael eu cymeradwyo fel cofnod gwir a chywir.

34. Y BROSES BENODI: CYFARWYDDWR CORFFORAETHOL, CYMUNEDAU

Hysbysodd y Prif Weithredwr y Pwyllgor o'r rhesymeg dros benodi Cyfarwyddwr Corfforaethol Cymunedau, sef bod yr awdurdod wedi gweld newid sylweddol dros y blynyddoedd diwethaf o ran swyddogion y JNC, a bod y rheoleiddwyr wedi sylwi ar hynny. Dywedodd mai'r awdurdod hwn sydd â'r uwch dimau rheoli lleiaf o gymharu ag awdurdodau lleol eraill yng Nghymru, yn arbennig o gymharu ag awdurdodau cyfagos.

Dywedodd wrth y Pwyllgor fod y Gyfarwyddiaeth Gymunedau yn un gymhleth a chanddi faes amrywiol o wasanaethau, ac mai'r her i'r Cyfarwyddwr fyddai rheoli newid. Dywedodd na allai'r awdurdod fod yn feinach, a bod angen gwneud apwyntiad i'r rôl hon, ond ei fod yn deall sut allai recriwtio rôl uwch ymddangos i'r cyhoedd. Roedd llawer o awdurdodau lleol eraill yng Nghymru wedi gwneud nifer o benodiadau i swyddi uwch yn ddiweddar.

Roedd y Pwyllgor yn deall y rhesymeg y tu ôl i wneud penodiad, gan gydnabod bod y Gyfarwyddiaeth wedi datblygu llawer o fodelau partneriaeth a'i bod wedi dioddef yn sgil ei llwyddiant â hynny. Dywedodd yr Arweinydd wrth y Pwyllgor fod y sefydliad yn parhau i dyfu, gyda'r awdurdod bellach â swyddogaeth Adfywio, sy'n rhan o'r Gyfarwyddiaeth Gymunedau. Dywedodd aelod o'r Pwyllgor y byddai angen i'r person a benodir i weithio gyda Chynghorau Tref a Chymuned i drawsnewid gwasanaethau a gwireddu newid. Soniodd aelod o'r Pwyllgor am yr angen i ystyried gwydnwch yr awdurdod wrth wneud penodiad. Sicrhawyd y Pwyllgor bod awdurdodau eraill wedi gwneud penodiad i rolau uwch. Nododd y Pwyllgor hefyd fod problemau â chydnerthedd i'w cael o fewn y Gyfarwyddiaeth ar lefel is na'r Cyfarwyddwyr.

Rhoddodd y Prif Weithredwr adroddiad ar y broses recriwtio Cyfarwyddwr Corfforaethol Cymunedau ac ar y cynnig i ymgysylltu â Solace in Business, sydd â phrofiad o recriwtio uwch reolwyr a rolau gweithredol i awdurdodau lleol, i gefnogi'r Cyngor gyda'r penodiad.

Rhoddodd Rheolwr y Grŵp Adnoddau Dynol a Datblygu Sefydliadol adroddiad ar y broses ddethol sydd i ddilyn, sef y bydd ceisiadau'n cael eu hanfon i Solace in Business er mwyn iddynt asesu a gwerthuso ymgeiswyr yn erbyn y cymwyseddau a bennwyd ac yn rhoi adborth i'r Pwyllgor hwn drwy gydol y broses. Amlinellodd yr amserlen ar gyfer camau'r broses ddethol, ynghyd â disgrifiad swydd a manyleb person ar gyfer y rôl. Ar ôl y dyddiad cau, byddai'r Pwyllgor Penodiadau yn cael ei gynnull i dderbyn adborth gan yr arbenigwr recriwtio ac i gytuno ar restr hir o ymgeiswyr i barhau i'r ganolfan asesu. Dywedodd y bydd y ganolfan asesu yn cynnwys amrywiaeth o ddulliau dethol a bydd aseswyr yn cynnal cyfweiliadau rheolaethol / technegol, profion seicometrig, ac asesuadau rhyngweithiol i brofi cymwyseddau allweddol. Bydd y Pwyllgor Penodiadau yn cael adborth ar ôl y ganolfan asesu ac yn cytuno ar restr fer derfynol o ymgeiswyr a fydd yn cael eu gwahodd i gyfweiliad gan y Pwyllgor. Y Pwyllgor fydd yn gwneud y penderfyniad terfynol ar y penodiad, gan ystyried canlyniad y ganolfan asesu a'r cyfweiliad terfynol. Dywedodd Rheolwr y Grŵp Adnoddau Dynol a Datblygu Sefydliadol wrth y Pwyllgor y byddai Panel Rhanddeiliaid yn cael ei sefydlu fel rhan o'r broses ddethol ac y gallai aelodau'r Pwyllgor gynnig enwau i'r swyddogion o ran pwy ddylai fod yn rhan o'r Panel hwnnw.

Dywedodd Rheolwr y Grŵp Adnoddau Dynol a Datblygu Sefydliadol fod gan Solace in Busnes wybodaeth am y farchnad ac y byddent yn adnabod ymgeiswyr. Dywedodd y Prif Weithredwr wrth y Pwyllgor na fyddai gan yr awdurdod y gallu i ymgymryd â recriwtio o'r fath eu hunain.

Dywedodd y Prif Weithredwr hefyd y byddai angen i'r ymgeisydd llwyddiannus ddangos hygyrddedd a brwdfrydedd dros reoli newid. Credai fod y swydd wedi'i gosod ar y lefel gywir a bod gofynion y Cyngor wedi'u trafod gyda Solace.

Trafododd y Pwyllgor yr angen am feincnod i asesu ymgeiswyr ac roedd o'r farn y dylid pennu hyn ar 50%.

PENDERFYNIAD: Bod y Pwyllgor Penodiadau yn:

- (i) Cymeradwyo'r disgrifiad swydd a'r fanyleb;
- (ii) Cymeradwyo'r broses a amlinellir ym mharagraff 4.3 o'r adroddiad;
- (iii) Ailymgynnull ar 20 Tachwedd 2019 yn dilyn cyfarfod y Cyngor i benderfynu ar y rhestr hir o ymgeiswyr i'w gwahodd i'r ganolfan asesu;
- (iv) Dirprwyo'r penderfyniad o ba ymgeiswyr ddylai symud ymlaen i gam olaf y broses ddethol, sef cyfweiliad gan y Pwyllgor Penodiadau, i'r Prif Weithredwr a'r Arweinydd, yn seiliedig ar ganlyniadau'r ganolfan asesu.
- (v) Ailgynnull ar 4 Rhagfyr 2019 i dderbyn adborth gan y ganolfan asesu ac i gynnal cyfweiliadau terfynol a gwneud penderfyniad penodi.

35. GWAHARDD Y CYHOEDD

PENDERFYNIAD: O dan adran 100A (4) o Ddeddf Llywodraeth Leol 1972 fel y'i diwygiwyd gan Orchymyn Llywodraeth Leol (Mynediad At Wybodaeth) (Amrywio) (Cymru) 2007, bod y cyhoedd yn cael eu heithrio o'r cyfarfod yn ystod ystyriaeth o'r eitem ganlynol o fusnes gan ei fod yn cynnwys gwybodaeth wedi'i heithrio fel y'i diffinnir ym mharagraff 12 o ran 4 o Atodlen 12A o Ddeddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007.

Ar ôl cymhwyso'r prawf lles y cyhoedd, penderfynwyd, yn unol â'r Ddeddf y cyfeirir ati uchod, i ystyried yr eitem yn breifat, gyda'r cyhoedd yn cael eu heithrio o'r cyfarfod, gan y byddai'n golygu datgelu gwybodaeth wedi'i heithrio.

36. CADARNHAU COFNODION EITHRIEDIG

PENDERFYNIAD: Bod cofnodion eithriedig cyfarfod y Pwyllgor Penodi ar 18 Ebrill 2019 yn cael eu cymeradwyo fel cofnod gwir a chywir.

37. Y BROSES BENODI - CYFARWYDDWR CORFFORAETHOL CYMUNEDAU

Daeth y cyfarfod i ben am 16:24